



UNIVERSITÄTS-
BIBLIOTHEK
PADERBORN

Universitätsbibliothek Paderborn

Adversvs Omnia Catabaptistarvm Prava Dogmata Heinrychi Bullingeri lib. IIII

Bullinger, Heinrich

Tigvri, 1535

VD16 B 9759

Quomodo spiritus prophetarum prophetis subiectus sit

urn:nbn:de:hbz:466:1-35433

duos aut tres duntaxat nominat, cæteros audire iu-
 bēs, & auscultare ijs quæ per prophetas ex scripturis
 proponuntur. Neq; ius facit auditoribus interrumpen-
 di sermonem prophetarum, nisi quatenus omissum ali-
 quid aut non rite enarratum fuerit ab interprete aut
 propheta. Consequitur omnino ex hoc, non decere ut
 aliquis interloquatur, si ueritas sufficienter est enarra-
 ta: tam abest, ut hoc prætextu quisq; errores suos inse-
 rat. Video ego huius rei cardinem in eo uersari, Si ne-
 cessarium est, si quid ab his, qui præsumunt prophete,
 omittitur quod omitti nullo modo debet, aut omissum
 nocet ecclesiæ, dictum uero ecclesiam edificat et con-
 solatur, potest ab alio quoquam indicari, seruata ta-
 men modestia & charitate. Quod si nihil deest, taceren-
 dum erit. IOIADA. Sensum genuinum capis.
 Nam mox sequitur: Spiritus prophetarum subiiciun-
 tur prophetis. Non enim confusionis author deus, sed
 pacis: spiritus sanctus non ex affectu aut contentione
 neq; temere erumpit, sed tractabilis est, nec ob quam-
 uis leuem rem pertinaciter pugnat, patitur se doceri,
 sentientiq; meliora cedit. Sed ab his longe absunt ca-
 tabaptistæ, nihilominus spiritum iactantes, sed quem-
 admodum iudas apostolatum. Iacobus non abs re mo- Iacobi 3.
 net, dicens: Nolite plures magistri fieri fratres mei, sci-
 entes quod maius iudicium sumpturi sumus, nos scili-
 cet qui docemus. SIMON. Hic uero maiorem

mibi scrupum iniecasti. Quero enim ex te uter maior sit, propheta ne cui spiritus subijcitur, an spiritus? Si hominem dicis maiorem spiritu, uide ne mortali et fragili nimium tribuas: si spiritum, quomodo maior minori subijcitur? Quod si homini spiritum praefers simulq; sententiam Pauli ueram esse uis, non intelligo qua possit id ratione fieri. Aut quo pacto poterit propheta maior esse spiritu qui prophetam facit? IOIA

Spiritus sanctus pro sancta operatione spiritus sancti.

DA. Non absurde quaeris mi Simon. Sed hoc notandum quod spiritum hoc in loco non pro spiritu sancto (qui deus est) accipit Paulus, sed pro donis aut operatione spiritus. Sensus ergo est. Donum prophetiae sic est in potestate prophetae qui id habet, ut et loqui et tacere in coetu sanctorum possit, quando et quatenus id auditoribus ad edificationem utile est. Non enim sic spiritu, quemadmodum insani aut fanatici, impelluntur, ut incondito quodam clamore simul omnes uociferentur, et tumultuosa quadam contentione obmurmurent. Nam sic nemo alium intelligeret. Spiritus enim dei mitis est et placidus, non ad contentionem, non ad dissidium, sed ad pacem impellens. Quapropter dicit: Potestis singillatim omnes prophetare, non simul omnes. Huic expositioni non abludit Theophilactus, qui ita enarrat hunc locum: Spiritus, id est, quae in te est gratia spiritus sancti, quae te inuasit operatio, subiecta est alterius gratiae qui est ad prophetandum impulsus, id est,

id est, cedit, & auscultat. Sed iam, si placet, tertiam conclusionem adgrediamur. SIMON. Perplacet, tu uero incipe.

DE VNITATE ECCLESIAE AD-
uersus sectas hæreticorum.

IOIADA.

Non puto te quidquam dicturum esse contra tertiam conclusionem, nam quid dici poterit uerius, quàm Christum & apostolos in hoc totos fuisse, ut ecclesiam cõgregarent neq; unquam tumultuatos fuisse propter res externas aut temporales? Aut est aliquis qui diuersum dicere possit? SIMON.

VI.
TRACT.

Ego tibi hunc ilico ostendam, Christum nempe, qui se uenisse dicit, ut mittat non pacem, sed gladium.

IOIADA. Detorques tu uerba Christi. Nam hæc uerba non de ecclesia sua loquitur, quod hæc in se se dissideat, quemadmodum uos catabaptistæ tumultum excitatis in ijs ecclesijs ubi Christus & euangelium sincere prædicatur: sed Christus hic naturã infidelium exprimit, qui fideles persequuntur. Nam ubi cunq; Christus prædicatur, pijs obuijs ulnis eum recipiunt & amplectuntur, impij odio Christum & suos prosequuntur. Iam Christus hanc dissensionem gladium uocat, qui non inter pios est in ecclesia, sed infi-